

IMPRENTAS DE MORTE

Unu coru d'anghelos a chelu
 intregan sos lamentos tuos.
 Pranghes sa mala-sorta,
 e nois tottu pranghimus
 fizos dun'abitudine isconnotta.
 Ses turpu, mudu e surdu
 ca non podes intendere;
 bives assuconau
 a coro 'essinde in buca
 a su mori-ista che luche 'e candela.
 Juches s'alinu curzu ch'has sa vida
 frazica e presa a un' 'ilu 'e ranzolu.
 Bastat un'ancu po non s'acattare
 de te mancu sos ossos!
 Suspiras a s'iscusiu
 ingurtinde amadeschiu ranchiores;
 sa carena s'iscottulat
 cando a dromiu non pasat
 bisionande martirios!
 A iscutta has carchi brama
 (chene connoscher tempus),
 de torrare a bider sos colores
 dun'arvescher in "bolu" 'e libertade.
 Sos tuos, babbu e mamma
 son a su rue-rue, iscancarao!
 Amicos e bichinos, intas nois
 parimus che a tie
 presoneris dun'urgu chene 'essida.
 Sas cadenas chi ti chinghen
 ti codian pràs tudas,
 chiscaini sa marca i' sa cavessa,
 son sas presuras nostras:
 s'abòmbinu 'e Sardinna e de su Mundu!
 Andare non podimus a cara-arta,
 s'istripile 'e Cainu nos pessighit
 po' un'asche 'e cari-cottos!

Azuati e corazu, frade caru
 'ite ti potto 'acher? Custa pinna
 siat s' 'uzzu, s'istilla
 chi lis codiet s'imprenta intr' 'e su coro.

IMPRONTE DI MORTE

*Un corteo di angeli / portano in Cielo le tue pene. / Piangi la mala-sorta, / e noi
 tutti piangiamo / travolti da questo vile andazzo. / Non vedi, non senti e non parli
 / perché non ti sia fatale; / sei sempre spaventato / col cuore in gola / tra la vita
 e la morte come la candela. / Il tuo respiro è fiacco per la vita / che hai appesa a
 un filo di lana. / Basta un nonnulla per scomparire / per sempre, definitivamente!
 / Dentro di te sospiri inghiottendo / questo veleno; / il corpo è scosso da brividi /
 e non riposa mai / delirando il martirio. / Raramente una speranza ti balena /
 (senza cognizione del tempo), / di poter rivedere i colori / di una nuova alba di
 libertà. / I tuoi cari, papà e mamma / sono appena in vita, distrutti! / Amici, vicini
 di casa, noi tutti / ci sentiamo come te / prigionieri di una via senza uscita. / Le
 catene che ti si avvinghiano / che ti lasciano piaghe profonde / fino a corrodere la
 testa, / sono le nostre catene: / Onta della nostra stirpe e del mondo! / La Barbarie
 di Caino ci perseguita / per colpa di una ciurma di bruti!!! / Aiutati e fatti
 coraggio, fratello caro / sono impotente, che questa penna / sia quel poco, quella
 stilla / che riesce ad arrivare al cuore.*